

(Kayan Language)

**Tataihtan bakyă Sũkănpħao tadvăn tapeĩn tahtutalwaĩ Council (National Unity
Consultatĩe Council- NUCC) taphonhtan, tamahtan tama lahan**

1. Nein 2021 feburary lă (1) daõ nu, yaõpă sakwănhntan Cĩ_ánásyin aphon lahan nu, bloncũ cĩ-ánásyin dò ánásyin tama pŭswĩ kahtŭmă dò tamahtan federal democracy sũkănbłon tarwaĩkhlai lahan nănkħũ, phonhtan sũkănpħao tadvăn tapeĩn tahtutalwaĩ Council (National Unity Consultatĩe Council-NUCC) lă, nein 2021, March lă 8 daõ khein

2. NUCC nu, nein 2020 tarauhtan pwě akaũ, sũkănpħao tahtôndòn mẽ akaũ naũ ba tayăwin (De Jure Legitimacy) mwaĩ, sũkănbłon lŭdò aplaũ kòmiti (CRPH) dò, dõ tama thălau thăla akaũ, ta-aõpaõ ukhau taõ năn hankhau lahan, tapaõkhau tama lahan, naũba sũkănpħao tahtôndòn khaucă, tayăwin aò (De Facto Legitimacy) mwaĩ sũpăn kănbłonphao pra cyan taraitacũ aphon lahan, kăn/federal phidĩ Unit dò phidĩ khũcũ tahtutalwaĩ council lahan dò, sũkăn pati mwaĩ cõ thayũ cĩ-ánásyin lahan, Nwe Ũ tasaikwan aphon lahan mwaĩ, pra saikwanhtan cĩ-ánásyin lahan prarũ, pramu aphon lahan, pra ama tama thămăghă lahan, pralau takhà takhwai aphon lahan, tasaikwanhtan dõ taraó akaũ mwaĩ pablon (CDM) lahan, blannũkathi kòmiti lahan, sũpăn kănbłonphao pũkhũ pũcũ, dõ pralau pũkaũ aphon pũraũ aò (28) phon kaũ.

3. NUCC tama amaĩ amòn lahan mẽ, sũkănpħao saikwanhtan cĩ-ánásyin pũpra nu, htũplaũ taboutabăn bábwaĩ htaũ, htankhau bloncũ federal democracy tama khaucă, tamalũhtan lanklan badĩbada raó acõya laki, cwaĩ federal democracy tamălanklan aòyaõ, sũkănpħao talantaĩblondau bwaĩlan khlaikhlòn dò tacăntalá lahan nu, phi nita tamalaũhtan, sũkănpħao talantaĩblondau laki dò laki kacôn, bakyă tamangaõřă tamakhlai lahan, dõ tasaikwan akhein lacũkaũ ka htănkhu udaò ba preĩ nu.

4. NUCC nu,tyanlan federal democracy tamălanklan aòyaõ akaũ aklan (1) dò (2) htaũ, taiphlõnhtan lă, nein 2021 , march lă (31) daõ htaũ dò, naò beĩ nein 2021 April lă 16 daõ nu, phonhtan ba thă sũkănpħao tadvăn tapeĩn acõya (National Unity Gõernmemt – NUG) preĩ

nu. Cwaĩ federal democracy tamālanklan àòyaõ akaũ, sũkãnp hao pũpra tasaikwan tarwaĩkh lai ka bábwaĩ laũhtan da nu, rwaĩyaõ dò karwaĩcein khwaiblanraó federal democracy tamālanklan àòyaõ tama nu, mahtan htaũ lă , nein ,2021 May lă (24) daõ htaũ, ka bwailanklan htũ sũkãnp hao talantaĩblondau mǝ nē.

5. NUCC nu, bloncũ cĩ-ánásyin dò ánásyin tama pũswĩ , ka htũmă da tamakaũ nu, mwaĩ tamablon tasaikwan tama rwĩdau mwaĩ, sũkãnp hao tadvăn tapeĩn acõya (National Unity Gǝernment – NUG), sũkãnblon lūdò aplaũ kòmiti (CRPH), mablon niswĩră kòmiti/commission lahan mē, htãnk hau àòpaõ udaò ba dõ phidĩ fedreal democracy tamālanklan àòyaõ bakyă tamakhlai dò, makaĩ tasaikwan tama lahan ka tǝnk hau tǝnba da nu, htãnk hau bloncũ dò, ka htoũkhòn htoũ-ă mǝ nu, taihyũnhtan ba ka-ũ.